

საქართველო - ყწიწვეფეს ყოფდასა!  
გელაგეტონი

ახალგორის  
მუნიციპალიტეტის  
გაზეთი

№1(93)

იანვარი  
2022 წელი

გამოდის თვეში  
ერთხელ

# ახალგორი

4

და ფაქტო ცხინვალის  
იზოლაციურ პოლიტიკას  
კიდევ ორი ადამიანის  
სიცოცხლე ემსხვერპლა

DRI

დემოკრატიის კვლევის ინსტიტუტი  
Democracy Research Institute

5

ახალგორის მუნიციპალიტეტში  
ვაჟსინასიის პროცესი აქტიურად  
მიმდინარეობს



ოსტატი  
ნეროვნიდან,  
როელიც  
დავნილ  
ბავშვებს ხეზე  
კვეთას  
ასწავლის

8

ნეროვნის მე-3 საჯარო სკოლის  
მოსწავლე მარიამ მაჭარაშვილი  
„საშობაო მიწინათურების“  
კონკურსის გამარჯვებულმა

1 2

დადიანური ფოლკლორი

9

50 წლის ასაკის ზემოთ მოქალაქეებისთვის  
კოვიდ-საწინააღმდეგო ვაქსინით ასრება  
200-ლარიანი ნახალისება თებერვლის  
განმეგობრების გაგრძელება

5

150 000 და ნაკლები ჟულის მქონე  
მოსახლეობას ელექტროენერგიის  
ტარიფის ნახარჯი მთელი წლის  
მანძილზე დაუსუბსიდირდება

2

შერიგებისა და სამოქალაქო თანახმობის  
საკითხვებზე სახელმწიფო მინისტრის  
მოადგილე ზვიად ზვიადაძემ პრესაში  
შეხვედრებზე ახალგორის რაიონში შექმნილ  
კუპანიტარულ კრიზისზე ისაუბრა

4



„მთავარი იყო წამი...“

„ახალგორის“ სტუმარია  
მარიამ ილუბრიკე – ივანე  
ჭავჭავაძის სახელობის  
თბილისის სახელმწიფო  
უნივერსიტეტის ქართული  
ფილოლოგიის  
ფაკულტეტის  
ვარჩინებული სტუდენტი



მადლოზა ჰივოკრაგას ფიცის  
ერთგულად

9

დავით ახლოურის ახალი ნაშრომი:  
სოფელ ალავის ისტორიიდან

2



რუბრიკის დაბრუნება:  
სოფელი ლონიარია...

1

## სოფელ ალვის ისტორიიდან

**24 დეკემბერს, გორის სახელმწიფო სასწავლო უნივერსიტეტში ჩატარდა დავით აღმაშენებლისადმი მიძღვნილი მერვე საერთაშორისო სამეცნიერო კონფერენცია, სადაც ისტორიკოსმა დავით ახლოურმა წარადგინა ნაშრომი: „სოფელ ალვის ისტორიიდან“.**

ალევი ახალგორის მუნიციპალიტეტის სოფელია, მდებარეობს მდინარე ქსნის მარცხენა შენაკად ალურას ქვემო ნელზე. არქეოლოგიური მონაპოვარი ცხადყოფს, რომ იგი ერთ-ერთი უძველესი ქართული სოფელია, სადაც გვიანბრინჯაო-ადრერკინის ხანის სამარხთან ერთად მიკვლეული იქნა შუა საუკუნეების 138 სამარხი ძვირფას ნივთებთან და უნიკალურ ნუმიზმატიკურ მასალასთან ერთად.

ალევი ცნობილია ასევე დიდებული სალოცავით - სამება ოქროსკარიანით, რომელსაც ფეოდალურ ხანაში თავისი ყმები ჰყავდა ქსნის ხეობის სხვადასხვა სოფელში. ნაშრომში ყურადღება ეთმობა სოფლის ისტორიულ წარსულს, სამების კომპლექსს, მის მამულებს, შენორულობებს, ყმებს, ლეგენდარულ და რეალურ ამბებს, 2008 წლის ივნისში, ახალგორის მუნიციპალიტეტის ოკუპაციამდე მცირე ხნით ადრე, საქართველოს ეროვნული მუზეუმის ექსპედიციის ინიციატივით სამონასტრო კომპლექსის ტერიტორიაზე ჩატარებული არქეოლოგიური კვლევა-ძიების შედეგებს, რომლის დროსაც მიაკვლიეს სამეუფეო ოქროს კარის გადარჩენილ ნაშთებს, რომელიც ტაძარს, სავარაუდოდ, თვით დავით აღმაშენებელმა შესწირა...

სოფელი ალევი ყველა დროში, ყველა ეპოქაში მნიშვნელოვან როლს ასრულებდა ჩვენი ქვეყნის ცხოვრებაში და ქართველ მეფეთა თვალსაწიერშიც ხშირად ექცეოდა. გავიხსენოთ თუნდაც ის ფაქტი, რომ სწორედ აქ შეჩერებულა 1724 წელს რუსეთისაკენ მიმავალი ვახტანგ VI...

1844 წლის 15 აგვისტოს ალვის მთაზე სამებობის დღესასწაულზე იმყოფებოდა ცნობილი ქართველი პოეტი ნიკოლოზ ბარათაშვილი, რომლის და ეკატერინე ქსნის ერისთავთა შთამომავალს რევაზ ერისთავს ჰყავდა ცოლად. ტატომ ქსნის ხეობელებთან ერთად მოილოცა სამების სალოცავი: „მე და მამა ალევობას... ვენვივენით კატოს. მანანა (ორბელიანი - დ.ა) და ელენეც გარდმოვიდნენ სალოცავად. საუცხოვო ჯვარობა იყო. ახალგორითგან თორმეტი ვერსტია, მაღალს მთაზედ.“ - წერდა პოეტი ბიძას ზაქარია ორბელიანს.

ნაშრომში ასევე განსაკუთრებული ყურადღება ეთ-



მობა XVII საუკუნის წილკნელის სარგოსა და XVIII საუკუნის მეორე ნახევრის ქსნის საერისთავოს სტატისტიკურ აღწერათა მონაცემებს, ასევე პირველი რუსული კამერალური აღწერას, რომელთა ანალიზის საფუძველზეც ვრცლადაა საუბარი ალვის დემოგრაფიულ, სოციალურ და ეკონომიკურ ყოფაზე, სასულიერო პირებზე...

ძველი ისტორიული ფაქტების კვალდაკვალ ნაჩვენებია სოფლის წარსული კომუნისტური მმართველობის პერიოდში და დღევანდელი ვითარება. საუბარია იმ მძიმე შედეგებზე, რაც ახალგორის მხარის ოკუპაციას მოჰყვა 2008 წლის აგვისტოს ომის შემდეგ. თუმცა, აღსანიშნავია ის ფაქტიც, რომ 2007 წელს, ღვთის კაცთა მონდომებითა და ძალისხმევით ალვის სამების კომპლექსის ტერიტორიაზე სასულიერო ცხოვრება განახლდა და ამჯერად იქ მამათა მონასტერი ფუნქციონირებს...

### **150 000 და ნაკლები ქულის მქონე მოსახლეობას ელექტროენერჯის ტარიფის ნაზარდი მთელი წლის განმავლობაში დაუსუბსიდირდება**

ჩვენი გადამწყვეტილებით, მოსახლეობის მნიშვნელოვან ნაწილს, დაახლოებით მილიონ ადამიანს, დავუსუბსიდირებთ ელექტროენერჯის ტარიფის ნაზარდს, - ამის შესახებ საქართველოს პრემიერ-მინისტრმა ირაკლი ლარიბაშვილმა მთავრობის სხდომაზე განაცხადა.

როგორც პრემიერმა აღნიშნა, ეს შეეხება მიზნობრივ ჯგუფებს, 150 000 და ნაკლები ქულის მქონე მოსახლეობას, რაც დაახლოებით 1 მილიონ ადამიანს შეადგენს.

„მოგესხენებათ, აღნიშნული პროგრამა გვექონდა პანდემიის დაწყების დღიდან, გრძელდებოდა 2 წელი, ახლა იანვარში შეწყდა ეს სუბსიდირების პროგრამა და ამიტომ, მივიღეთ გადამწყვეტილება, რომ აღნიშნული პროგრამა გავაგრძელოთ და მოსახლეობის იმ ფენას, ვინც ყველაზე მეტად გაჭირვებულია, ამ მიზნობრივ ჯგუფებს, დავუსუბსიდირებთ ელექტროენერჯის ნაზარდი. ეს ამოქმედდება იანვრიდან მთელი წლის განმავლობაში“, - განაცხადა პრემიერ-მინისტრმა.



ახალგორის მუნიციპალიტეტის გაზეთი  
**რედაქტორი ანა ყურშავიშვილი**  
კონტაქტი: ტელ: +995 593 501279

**თეა ახვლედიანა ეუთო-ს ახლად დანიშნულ  
სახელმწიფო მინისტრთან ე.წ. ბირ-  
ღარიზასიასა და საქართველოს მოქალაქეების  
უკანონო დაკავების ფაქტებზე ისაუბრა**

შერიგებისა და სამოქალაქო თანასწორობის საკითხ-  
ებში საქართველოს სახელმწიფო მინისტრმა თეა ახვ-  
ლედიანმა სამხრეთ კავკასიაში ეუთო-ს ახლადანიშნულ  
სპეციალურ წარმომადგენელთან ვიორელ მოშანუსთან  
შეხვედრა გამართა. აღნიშნულ ინფორმაციას სახელმ-  
წიფო მინისტრის აპარატი ავრცელებს.

თეა ახვლედიანმა ხაზი გაუსვა კონფლიქტის მშვი-  
დობიანი მოგვარების პროცესში ეუთო-ს როლისა და  
აქტიური ჩართულობის მნიშვნელობას, მათ შორის  
ჟენევის საერთაშორისო მოლაპარაკებების თანათავმ-  
ჯდომარეობის გზით.

სახელმწიფო მინისტრმა მიმოიხილა საქართველოს  
ოკუპირებულ რეგიონებში უსაფრთხოების, ჰუმანიტა-  
რული და ადამიანის უფლებათა კუთხით არსებული  
მძიმე ვითარება.

„განსაკუთრებული ყურადღება გამახვილდა უკანონო  
დაკავების ფაქტებზე და ხაზგასმით აღინიშნა  
საერთაშორისო პარტნიორების, მათ შორის ეუთო-ს  
მხრიდან ძალისხმევის გაგრძელების აუცილებლობა  
ცხინვალის რეგიონში უკანონოდ დაკავებული საქარ-  
თველოს ექვსი მოქალაქეების უპირობო და დაუყოვნე-  
ბელი გათავისუფლების უზრუნველსაყოფად. ამასთან,  
სახელმწიფო მინისტრმა ხაზი გაუსვა ერთობლივი  
მუშაობის გააქტიურების მნიშვნელობას ცხინვალის  
რეგიონის, განსაკუთრებით ახალგორის რაიონის ხე-  
ლოვნური იზოლაციის შედეგად შექმნილი ჰუმანიტა-  
რული კრიზისის დასაძლევად, რაც განსაკუთრებულ  
დატვირთვას იძენს კოვიდ-19 პანდემიასთან დაკავ-  
შირებული გამოწვევების ფონზე. მამასთან, განხილულ  
იქნა ერგნეთის ინციდენტების პრევენციისა და მათზე  
რეაგირების მექანიზმის მიმდინარეობა.

შეხვედრაზე თეა ახვლედიანმა უცხოელ დიპლო-  
მატს მიაწოდა დეტალური ინფორმაცია საქართველოს  
მთავრობის შერიგებისა და ჩართულობის პოლიტიკის  
ფარგლებში არსებული პრიორიტეტების, მიღწეული  
შედეგებისა და სამომავლო ხედვების თაობაზე, რაც  
კონფლიქტით დაზარალებულ მოსახლეობაზე ზრუნ-  
ვასა და მათი სოციალურ-ეკონომიკური პირობების  
გაუმჯობესებას, ასევე ხელოვნურად გაყოფილ საზო-  
გადოებებს შორის დიალოგის, ნდობის აღდგენის და  
საერთო ინტერესებზე დაფუძნებული თანამშრობლო-  
ბის გაღრმავებას ისახავს მიზნად.

აღნიშნულ კონტექსტში, ყურადღება გამახვილდა  
2010 წლის ჩართულობის სახელმწიფო სტრატეგი-  
ისა და თანმდევი სამოქმედო გეგმის სტრატეგიული  
გადახედვის პროცესზე, რომელიც ფართო საზოგა-  
დოებრივი მონაწილეობით, მათ შორის საერთაშორისო  
პარტნიორების ჩართულობით მიმდინარეობს.

თავის მხრივ, ეუთო-ს სპეციალურმა წარმომადგენ-  
ელმა დადებითად შეაფასა საქართველოს მთავრობის  
ძალისხმევა და სამშვიდობო პროცესში ქართულ მხ-  
არეს სრული მხარდაჭერა აღუთქვა. მხარეები შემდ-  
გომ მჭიდრო თანამშრომლობაზე შეთანხმდნენ.

„ეუთოს ახლად დანიშნულ სპეციალურ წარმომად-  
გენელთან პირველი გაცნობითი შეხვედრა განსა-



კუთრებული მნიშვნელობის იყო. დიდა ეუთოს როლი  
საქართველოში კონფლიქტის მშვიდობიანი მოგვარე-  
ბის პროცესში, მათ შორის ჟენევის საერთაშორისო  
მოლაპარაკებების თანათავმჯდომარეობის და ერგნე-  
თის ინციდენტების პრევენციისა და მათზე რეაგირე-  
ბის მექანიზმის ფარგლებში. ჩვენ დეტალურად გან-  
ვიხილეთ კონფლიქტის მშვიდობიანი მოგვარებასა და  
ცხინვალის რეგიონში არსებულ მძიმე ვითარებასთან  
დაკავშირებულ საკითხთა ფართე სპექტრი. მათ შო-  
რის, რა თქმა უნდა, ვიმსჯელებთ ახალგორის რაიონში  
შექმნილ ჰუმანიტარულ კრიზისზე და იქ მცხოვრები  
მოსახლეობის მძიმე სოციალურ-ეკონომიკურ და უფ-  
ლებრივ მდგომარეობაზე. განსაკუთრებული აქცენტი,  
ბუნებრივია, გაკეთდა ცხინვალის რეგიონის მიმარ-  
თულებით მიმდინარე უკანონო ე.წ. ბორდერიზაციასა  
და საქართველოს მოქალაქეების უკანონო დაკავების  
ფაქტებზე. ჩვენ განვიხილეთ, დეტალურად, მათი მდ-  
გომარეობა და ვიმსჯელებთ ერთობლივი ძალისხმევით  
ჩვენი 6 მოქალაქის უმოკლეს ვადაში გათავისუფლების  
თაობაზე“, - განაცხადა სახელმწიფო მინისტრმა.

**შერიგებისა და სამოქალაქო თანასწორობის  
საკითხებში სახელმწიფო მინისტრის  
მოაღიჯაე ზვიად ზვიადაძემ პრესაში  
შეხვედრაზე ახალგორის რაიონში შექმნილ  
ჰუმანიტარულ კრიზისზე ისაუბრა**

– ერგნეთში შეხვედრაზე განსახილველი ერთ-ერთი  
უმთავრესი თემა იყო ჰუმანიტარული კრიზისი, რო-  
მელიც შექმნილია ოკუპირებულ ტერიტორიაზე, გან-  
საკუთრებით ახალგორის რაიონში, - ამის შესახებ  
შერიგებისა და სამოქალაქო თანასწორობის საკითხ-  
ებში სახელმწიფო მინისტრის მოადგილემ ერგნეთში,  
ინციდენტების პრევენციისა და მათზე რეაგირების  
მექანიზმის ფორმატში გამართული მორიგი შეხვედრის  
დასრულების შემდეგ განაცხადა.

ზვიად ზვიადაძის ინფორმაციით, ცენტრალური ხე-  
ლისუფლების წარმომადგენლებმა გადაადგილებაზე  
არსებული უკანონო შეზღუდვების მოხსნაზე ახალი  
ინფორმაცია ვერ მიიღეს.

„უკანონოდ დაკავებული მოქალაქეების საკითხის  
შემდეგ, ერთ-ერთი უმთავრესი თემა იყო ის ჰუმანიტა-  
რული კრიზისი, რომელიც შექმნილია ახლა ოკუპირე-

დასასრული მ-4 გვერდზე

## შეკრებისა და სამოქალაქო თანასწორობის საკითხებში სახელმწიფო პინისტრის მოაზრებებზე ზვიად ზვიადაძემ ეკონომიკური უსუსტარაზე ახალგორის რაიონში შექმნილ კუპონიტარულ კრიზისზე ისაუბრა

მე-3 გვერდიდან

ბულ ტერიტორიაზე და განსაკუთრებით ახალგორის რაიონში, სადაც მოსახლეობა განიცდის უკიდურეს სოციალურ სიდუხჭირეს და ელემენტარულად, მათ წვდომა არ აქვთ ხარისხიან სამედიცინო სერვისებზე. ასევე განხილული იქნა მდგომარეობა კოვიდპანდემიასთან დაკავშირებით და როგორც საოკუპაციო ძალების წარმომადგენლები აცხადებენ, სიტუაცია კონტროლს ექვემდებარება, ისინი შესაბამის დახმარებას იღებენ რუსეთის ფედერაციიდან და ფიქრობენ, რომ პრობლემას გადაჭრიან თავიანთი ძალებით. ამის მიუხედავად, ჩვენგან კიდევ ერთხელ იქნა შეთავაზება დაფიქსირებული, რაც ბოლო ორი წლის განმავლობაში გამართულ ყველა შეხვედრაზე თუ „ცხელი ხაზის“ მეშვეობითაც კეთდება, თუმცა, კონკრეტულ დახმარებაზე ამჯერადაც უარი მივიღეთ.

ადამიანები ვერ ახერხებენ ცენტრალური ხელისუფლების კონტროლირებად ტერიტორიაზე გადმოსვლას, წლებია უკვე, ბოლო ორი წლის მანძილზე განსაკუთრებით, გარდაცვალების რამდენიმე ათეული შემთხვევა იყო დაფიქსირებული. სამწუხაროდ, გადაადგილებაზე არსებული უკანონო შეზღუდვების მოხსნაზე ახალი ინ-



ფორმაცია ვერ მივიღეთ, ისინი კვლავ აცხადებენ, რომ გადასასვლელების ჩაკეტვა უკავშირდება ჩორჩანაში არსებულ საგუშაგოს, თუმცა, ბუნებრივია, თავადაც ხვდებიან, რომ ამ ორ საკითხს ერთმანეთთან არანაირი ლოგიკური და რეალური ბმა არ აქვს. მომავალშიც მაქსიმალური ძალისხმევით გავაგრძელებთ საერთაშორისო თანამეგობრობასთან ერთად ამ მიმართულებით მუშაობას, რომ ამ ადამიანებს მიეცეთ თავისუფლად გადაადგილების საშუალება“, - განაცხადა ზვიად ზვიადაძემ.

## დემოკრატიის კვლევის ინსტიტუტი (DRI): დე ფაქტო სხინვალის იზოლაციური პოლიტიკას კიდევ ორი ადამიანის სიცოცხლე ემსხვერპლა

დემოკრატიის კვლევის ინსტიტუტის (DRI) ინფორმაციით, ახალგორის მაცხოვრებლებს ხარისხიან სამედიცინო მომსახურებაზე ხელი არ მიუწვდებათ, რაც არაერთი პაციენტის ჯანმრთელობის მდგომარეობის დამძიმების მიზეზი გახდა. მხოლოდ იანვარში, დე ფაქტო ცხინვალის იზოლაციური პოლიტიკას ორი ადამიანის სიცოცხლე ემსხვერპლა.

გასული წლის დეკემბერში ახალგორის რაიონული საავადმყოფო ცხინვალის დე ფაქტო ადმინისტრაციის წარმომადგენლებმა შეამოწმეს. შემომწმების შედეგად, სავარაუდოდ, კორუფციული სქემა გამოიკვეთა, რის გამოც საავადმყოფოს მთავარი ექიმი ჯემალ ბედოევი დაკავებული პოზიციიდან გაათავისუფლეს და დროებით მთავარ ექიმად მონიკა ჯიოევა დანიშნეს. ჯიოევა, რომელიც თანამდებობაზე ცხინვალიდან გადმოიყვანეს, მოსახლეობასა და სამედიცინო საზოგადოებაში დადებითად ხასიათდებოდა, თუმცა მისი დანიშვნის შემდეგ, პაციენტების თბილისის კონტროლირებად ტერიტორიაზე გადმოყვანა უფრო გართულდა. მთავარი ექიმის ბრძანებით, პაციენტები სამკურნალოდ მხოლოდ ცხინვალში გადაჰყავთ, მიუხედავად იმისა, რომ ახალგორი-ცხინვალის დამაკავშირებელი გზა, რთული რელიეფის გამო, პაციენტებისთვის განსაკუთრებით რთულია.

ზემოაღნიშნული გარემოებების გამო, ახალგორში მაცხოვრებელ რამდენიმე პაციენტს მდგომარეობა კრიტიკულად დაუმძიმდა, რაც ორ შემთხვევაში ფატალური შედეგით დამთავრდა.

იანვრის დასაწყისში, 70-წლამდე ასაკის მამაკაცი, ინფარქტის დიაგნოზით შეიყვანეს ახალგორის საა-



ავადმყოფოში. ნათესავების სურვილის მიუხედავად, - მამაკაცი თბილისის კონტროლირებად ტერიტორიაზე გაეშვათ, მონიკა ჯიოევას კატეგორიული უარის გამო, ცხინვალში გადაიყვანეს. მამაკაცი გზაში გარდაიცვალა.

იანვარში, ახალგორელი ქალი, მისი მოთხოვნის მიუხედავად, თბილისში არ გამოუშვეს და ცხინვალში გადაიყვანეს. ცხინვალში ჩატარებული ოპერაციის შემდეგ, პაციენტის მდგომარეობა დამძიმდა. ქალი თბილისის კონტროლირებად ტერიტორიაზე მხოლოდ მდგომარეობის გართულების შემდეგ გადმოიყვანეს. დღემდე კრიტიკულ მდგომარეობაში მყოფი პაციენტი მკურნალობას თბილისში აგრძელებს.

12 იანვარს, ახალგორელი მამაკაცი ცხინვალში მას შემდეგ გარდაიცვალა, რაც მძიმე მდგომარეობაში მყოფს, საავადმყოფოს მთავარმა ექიმმა თბილისში გადმოყვანის უფლება არ მისცა.

50 წლის ასაკის ზემოთ კოვიდ-საწინააღმდეგო ვაქცინით აცრაზე 200-ლარიანი წახალისება თებერვლის განმავლობაშიც გაგრძელდება, ამავე ასაკობრივი ჯგუფის პირები ე.წ ბუსტერ დოზით აცრის შემთხვევაში 100 ლარს მიიღებენ, – აღნიშნული გადაწყვეტილება უწყებათაშორისი საკოორდინაციო საბჭოს 24 იანვარს გამართულ სხდომაზე მიიღეს, რომელიც პრემიერ-მინისტრ ირაკლი ლარიბაშვილის ხელმძღვანელობით, მთავრობის ადმინისტრაციაში გაიმართა.

საბჭოს სხდომაზე განიხილეს ქვეყანაში არსებული ეპიდემიოლოგიური ვითარება. აღინიშნა, რომ ინფიცირების მზარდი მაჩვენებლების მიუხედავად, ჰოსპიტალური სექტორის დატვირთვის მაჩვენებელი არ იზრდება, რაც „ომიკრონის“ შტამის საკმაოდ სუსტ

მიმდინარეობაზე მიუთითებს. თუმცა, სპეციალისტების შეფასებით, საფრთხე მაინც მაღალია, განსაკუთრებით მაღალ ასაკობრივ ჯგუფებსა და ქრონიკული დაავადებების მქონე პირებში, ამიტომ დიდი მნიშვნელობა ენიჭება ვაქცინაციას და ორჯერადად ვაქცინირებული პირების ე.წ ბუსტერ დოზით აცრას.

უწყებათაშორისი საკოორდინაციო საბჭო კიდევ ერთხელ მოუწოდებს მოქალაქეებს, ატარონ პირბადე, დაიცვან სოციალური დისტანცია და თავი აარიდონ ხალხმრავალ შეკრებებს, ხოლო ვირუსის სიმპტომების გამოვლენის შემთხვევაში, დარჩნენ სახლში. ამასთან, იზრდება ონლაინ-კლინიკების რესურსები, რათა მსუბუქმა პაციენტებმა, რომლებიც ბინაზე მკურნალობენ, ოჯახის ექიმების კონსულტაცია შეუფერხებლად მიიღონ.

ახალგორის მუნიციპალიტეტში ვაქცინაციის პროცესი აქტიურად გრძელდება. დასახლებაში მასობრივი იმუნიზაციის 2 ამბულატორია ფუნქციონირებს, სადაც მოქალაქეებს აცრა ჩინური წარმოების ვაქცინებით შეუძლიათ, ხოლო ფაიზერით ვაქცინაცია მცხეთის მასობრივი იმუნიზაციის ცენტრში, წინასწარი რეგისტრაციის გარეშე შეიძლება.

კოვიდ-საწინააღმდეგო ვაქცინის მესამე დოზით უკვე აიცრნენ მუნიციპალიტეტის გამგებელი ნუგზარ თინიკაშვილი, მოადგილე გელა შერმადინი და საკრებულოს თავმჯდომარის მოადგილე ოთარ გათენაშვილი. მათ მოსახლეობას ვაქცინაციის პროცესში აქტიური ჩართულობისკენ კიდევ ერთხელ მოუწოდეს და აღნიშნეს, რომ იმუნიზაცია მნიშვნელოვანია ჩვენი ჯანმრთელობისა და ქვეყნის განვითარებისთვის.

„როგორც ცნობილია, მსოფლიოში მძვინვარებს კოვიდ-19-ის ახალი შტამი „ომიკრონი“, რომელიც განსაკუთრებით სწრაფად ვრცელდება. სპეციალისტების რეკომენდაციაა კვლავ პირბადის ტარება და ვაქცინაცია. განსაკუთრებით მნიშვნელოვანია ორჯერადად აცრილთათვის მე-3 ე.წ. ბუსტერდოზით აცრა, რაც მყარი იმუნიტეტის შექმნის გარანტიაა. ამოქმედებულია საქართველოს მთავრობის წამახალისებელი პროგრამა 50

წელს ზემოთ პირებზე პირველადი აცრის შემდგომ 200-ლარიანი, ხოლო ბუსტერდოზით აცრის შემდგომ 100-ლარიანი ერთჯერადი დახმარების შესახებ.

კიდევ ერთხელ მოგინოდებთ, გაითვალისწინეთ სპეციალისტების რეკომენდაციები, ჩაიტარეთ აცრა, გადაარჩინეთ საკუთარი თავი, ოჯახის წევრები, ახლობლები და საზოგადოების ნაწილი, ვისთან ერთადაც გვინევს ცხოვრება, მუშაობა და ურთიერთობა.“ – განაცხადა ნუგზარ თინიკაშვილმა.

ნაქონის ღვენილთა დასახლებაში ვაქცინაციის შესახებ საინფორმაციო უახველესი ბაიბარტა



მცხეთა-მთიანეთის რეგიონში ვაქცინაციის კამპანია გრძელდება. იმუნიზაციის პროცესის შესახებ ადგილობრივი ხელისუფლების წარმომადგენლები მოსახლეობასთან საინფორმაციო შეხვედრებს სისტემატურად მართავენ. ამჯერად, შეხვედრა წეროვნის დევენილთა დასახლებაში შედგა, სადაც შეკრებილ საზოგადოებასთან საუბარი აცრის მნიშვნელობასა და კორონავირუსის ვაქცინაციის წახალისების 200 ლარიან პროგრამას შეეხებოდა.

მცხეთა-მთიანეთის სახელმწიფო რწმუნებულის მოადგილე გონა ქავთარაძემ, ახალგორის მუნიციპალიტეტის გამგებელმა ნუგზარ თინიკაშვილმა, საკრებულოს თავმჯდომარე თამაზ ბალაშვილმა და მცხეთის მუნიციპალიტეტის საზოგადოებრივი ჯანდაცვის ცენტრის ხელმძღვანელმა, რეგიონის კოორდინატორმა ბადრი კუკულაძემ, ვაქცინაციასთან დაკავშირებით, მოსახლეობას დეტალური ინფორმაცია მიანოდეს და მათ შეკითხვებს უპასუხეს.

დემოკრატიის კვლევის ინსტიტუტის შეფასებით, ახალგორის მაცხოვრებლებისთვის თავისუფლად გადაადგილების აკრძალვა, ადამიანის ფუნდამენტურ უფლებებს არღვევს, რაზეც პასუხისმგებლობა რუსეთის ფედერაციას და ცხინვალის დე ფაქტო რეჟიმს ეკისრებათ. თუმცა აღნიშნული არ ათავისუფლებს საქართველოს ხელისუფლებას მასზე დაკისრებული ვალდებულებიდან - იზრუნოს ოკუპირებულ ტერიტორიებზე მაცხოვრებელ საკუთარ მოქალაქეებზე.

დემოკრატიის კვლევის ინსტიტუტი მოუწოდებს საქართველოს ხელისუფლებას, გამოიყენოს ყველა ფორმატი და შესაძლებლობა, ოკუპირებულ ტერიტორიებზე მცხოვრები ადამიანების უფლებების დასაცავად.

მარიამ ილუშიძე: დიდი ალბათობით, სკოლაში ვიმუშავებ...



მარიამ ილუშიძე ივანე ჯავახიშვილის სახელობის თბილისის სახელმწიფო უნივერსიტეტის ქართული ფილოლოგიის ფაკულტეტის წარჩინებული სტუდენტია. მიზანდასახულმა და შრომისმოყვარე გოგონამ წეროვნის მესამე საჯარო სკოლა დაამთავრა. სულ პატარა ნამოყვანეს ახალგაზრდიან... სოფელი ბოლი და მშობლიური სახლიც ახსოვს და ბედნიერი ბავშვობაც იქაურობასთან ასოცირდება...

- სკოლის დამთავრებამდე გადაწყვიტე, რომ ფილოლოგიურზე ვისწავლიდი... ოცნება ამიხდა და ბედნიერი ვარ...

- ყველა ილუშიძე მღერის, ღმერთმა თითქმის ყველას არაჩვეულებრივად ლამაზი ხმა უბოძა და განსაკუთრებული მუსიკალური მონაცემები. შენ არ გიფიქრია მუსიკალური განათლება მიგელო?

- სამწუხაროდ, მე ვერ ვაგრძელებ გვარის ტრადიციას...

- როდის გაგიჩნდა სურვილი მომავლის პროფესიად ფილოლოგობა აგერჩია?.. რაიმე კონკრეტულმა ამბავმა ხომ არ გიბიძგა, თუ ძალიან გიყვარს ლიტერატურა... ან ხომ არ წერ?..

- სკოლაში ქართულ ენასა და ლიტერატურას მასწავლიდა ელენე პავლიაშვილი, ნაწილობრივ მისი დამსახურებაცაა...

- რა საქმეს გინდა აკეთებდე უნივერსიტეტის დამთავრების შემდეგ?..

- დიდი ალბათობით, სკოლაში ვიმუშავებ... წერაც მიყვარს ზოგადად, მაგრამ ჯერ ისეთი არაფერი დამინერია, გამოვამზეურო...

- მოგწონს მასწავლებლის პროფესია?.. შენი აზრით, რა აკლიათ დღეს ბავშვებს?..

- ბავშვებს სურვილი და ინტერესი აკლიათ... მასწავლებლები იმდენ შეცდომას უშვებენ და ჩემ ირგვლივაც დაუშვიათ, ალბათ მაგ შეცდომებმა უფრო გადამანწყვეტინა

- სკოლაში უსამართლობის გამო გიტყვი?

- მე არა, სხვას კი..

- პროტესტი?

- იყო რაღაცა ამის მსგავსი, მაგრამ უფრო დაეძაბათ მდგომარეობა, არც ეს პროტესტი აპატიეს... თუმცა, ვერ გააჩუმეს...

- შენი საყვარელი ქართველი მწერალი...

- ოთარ ჭილაძე.

- ენაზე მომდგარი ლექსი...

- „რაც უფრო შორს ხარ - მით უფრო ვტკბები! მე შენში მიყვარს ოცნება ჩემი, ხელუხლებელი - როგორც მზის სხივი, მიუწვდომელი - როგორც ედემი.

და თუ არა ხარ ის, ვისაც ვფიქრობ, მე დღეს არ ვნაღვლობ, დაე, ვცდებოდე! ავადმყოფ გულს სურს, რომ მას ოცნების თეთრ ანგელოზად ევლინებოდე.

დაინვას გული უცნაურ ტრფობით, ცრემლით აივსოს ზღვა-სანყაული - ოღონდ მჯეროდეს მე ჩემი ბოძვა და სიყვარულის დღესასწაული.

- შეყვარებული ხარ? გალაკტიონის ლექსი რომ მოგაგა ენაზე, იმიტომ გკითხე...

- არაა..

- რისიმე გეშინია?

- საშინელი შიში მქონდა ახალი რაღაცების მიღების დროს. ამაში მაშინ დავრწმუნდი, როცა სტუდენტი



ღეზი - მარიამი და ქეთევანი

მთავარი იყო ნაპი...

მარიამ ილუშიძე

გზაზე გადავირბინე მწვანე, აციმციმებული შუქნიშნისთვის რომ მიმესწრო. ქუჩის მაღაზიაში შევირბინე და ნახევარ ლიტრიანი პეპსი ვიყიდე. გარეთ ცხელოდა, პეპსი კი საკმარისად ცივი არ იყო.

მეტრომდე ფეხით ჩავედი. მარცხენა კიბის ჩასასვლელში ახალგაზრდები იდგნენ. გიტარაზე უკრავდნენ და ქანთრის მღეროდნენ. ჯიბეში ორმოცდაათი თეთრი მეგდო, გამახსენდა, ხელით ავაჩხრიალე. გონებაში უცებ გადავთვალე საფულეში ჩაყრილი ხურდები თუ მეყოფოდა სახლამდე მისასვლელად. ამოვიღე ორმოცდაათი თეთრი და ძირს დაგდებული გიტარის ჩასადებისკენ წავედი.

უცებ გვერდიდან გადმოხტა გამხდარი, მრგვალსათვალიანი ბიჭი და შავი ქუდი გამოიმინოდა. ლიმილიანი სახე ჰქონდა, ყავისფერი გრძელი თმა მხრებზე დაჰყროდა. ერთადერთი რამ გავიფიქრე: მუსიკა რომელიც მესმოდა, ამ ბიჭის გარეგნობასთან ძალიან ახლოს იყო.

გახდის. მანამდე ჩემთვის, მყუდროდ ვიჯექი ხოლმე კლასში, ყველამ იცოდა, ვინ ვიყავი. მეც ვიცოდი, ვინ იყვნენ ჩემი თანაკლასელები და ერთგვარი უთქმელი შეთანხმებები მქონდა დადებული სკოლაში. მაგრამ უცებ მოვხვდი გარემოში, სადაც არც არავის ბიძაშვილი ვიყავი, არც შვილი და არც მეზობელი. უნივერსიტეტში მივედი მხოლოდ მე და მხოლოდ ამ ჩემი „გრაჯიოზულობით“ უნდა გამეკვირვებინა ხალხი, მოვახერხე თუ არა, ეგ სხვა საკითხია.

მივედი და მივხვდი, რომ რომ ახალი ამბავი დაიწყო, ამან ისე შემაშინა, რომ დავინყე ადმინისტრაციის ხარვეზებზე წუნწუნი, ბუნწულა ლექტორებზე წუნწუნი, რომლებსაც ალბათ მთელი ცხოვრება აქვთ გადატანილი ჩემნაირ ცარიელთვალეზიანებთან. მოკლედ, მშიშარა ვარ, მეშინია იმ ახალი ამბების, რაც სულ უნდა ხდებოდეს ადამიანის და მით უმეტეს ახალგაზრდის ცხოვრებაში.

- საყვარელი ფოტო თუ გაქვს...
- კი, ჩემი ბავშვობის ფოტო მიყვარს ძალიან...



ჩემი მეტად გონიერების გამო, როგორცაც მივხვდი რომ ხურდები იმ ქუდში უნდა ჩამეყარა, თუ ამას მართლა ვაპირებდი. ახლოს მივედი და ქუდში მონეტებმა გაიწკრიალეს. არ გამიგია რა მითხრა, მაგრამ ისეთი ბავშვური, მადლიერი სახით ამომხედა სიცილი ვერ შევიკავე. მკვეთრი მოძრაობა გააკეთა, წელში მოიხარა და თვითონაც გაიცინა.

დარწმუნებული ვარ ეს რამდენიმე თეთრი არაფერს ნიშნავდა მისთვის, ეს უფრო დაფასებას ჰგავდა. თითქოს მუსიკა დაუფასეს და ბედნიერი იყო.

კონტროლიორს რომ მივუახლოვდი, შევამჩნიე ყურებადღე გაღიმებული მოვდიოდი. გიჟი არ ვეგონო-მეთქი და მეტრომანი უკვე „დაჭერილი“ სახით მივადე ეკრანს.

მატარებელი სანამ მოვიდოდა წიგნი ამოვიღე რამდენიმე ფურცელი გადავიკითხე, მაგრამ აზრი არ გამიგია. ისევ ის ვერგაგებელი სიტყვები მესმოდა, სიტბოს ინტონაციით. ბიჭის სახე აღარ მახსოვდა, მაგრამ შეგრძნება აქამდე გამომყოლოდა. სახე არც იყო მნიშვნელოვანი.

მთავარი იყო წამი და მთავარი იყო ღიმილი.

## ჩუბრიკის ღებოქტი: სოფელი ღონიერია...

**ბრძენს უთქვამს: სოფელი ღონიერია, თუ კაცი გონიერია... მართლაც ასეა, რასაც, მეცამეტე წელია, ქსნის ხეობიდან ფრეზეთში იძულებით დასახლებული დევნილების მაგალითიც მონიშნავს.**



გაშლილ ველ-მინდორზე, სადაც კაცის ქაჭანება არ იყო, ომგამოვლილებმა წულიდან დაიწყეს ცხოვრება... დარგეს ხე, ყვავილ-ბუჩქი, მოიშენეს ცხოველები, საოჯახო მეურნეობა გამართეს, მტერი არ გააცინეს...

სევდასა და მშობლიური კარ-მიდამოს სიყვარულთან და ტკივილ-სინანულთან ერთად მეზობელ-მოკეთესთან ტკიბილი, მთის კაცისათვის დამახასიათებელი ალალი და წრფელი გადაძახილით გაამხნევეს ერთმანეთი. ერთ დიდ ოჯახად იქცნენ და ერთმანეთის აქაური ლხინ-ვარამის გამზიარებლები გახდნენ.

ფრეზეთელები ხშირად აღნიშნავენ, რომ ახალგაზრდა კაცი ღერი ბალაშვილი, რომელიც მათი სოფლის რწმუნებულია, ფრეზეთის მოსახლეობისათვის ძალიან ყურადღებიანია და მათი საქმეების მუდმივად მოგვარების პროცესს არ იზარებს...

ფრეზეთში და საერთოდ ახალგორის რაიონში ყველასათვის ცნობილმა ქალბატონმა ლილი ბალხამიშვილმა, რომელმაც მთელი ცხოვრება მომავალი თაობის აღზრდას მოანდომა და დღეს დამსახურებულ პენსიაზეა, რედაქციაში ფრეზეთის მოსახლეობის სახელით მადლიერების წერილი გამოგვიგზავნა სწორედ ღერი ბალაშვილზე: „ეს ახალგაზრდა კაცი ჩვენი სოფლის ყველა მცხოვრებისათვის ახლობელია, რადგან ძალიან თავაზიანი, კომუნიკაბელური, ადამიანების მოყვარე და მათზე მზრუნველია. ასეთი ახალგაზრდები ამშვენებენ სოფელსაც და ქვეყანასაც...“

ქალბატონი ლილი კიდევ ერთ ლამაზ – დიანა საბი-აშვილის და ზაქრო ოსიშვილის ოჯახზე გვწერს:

„ზაქრო ოსიშვილი არის, პირველ რიგში, კარგი მეზობელი, სწორედ მისნაირებზეა ნათქვამი: „მეზობელს კარისაო, სინათლე ხარ თვალისაო“. მას უბრალო პროფესია აქვს და თავადაც ძალიან თავმდაბალი და უბრალოა. ჩვენს დასახლებაში შაბათ-კვირას ყველას დახმარების ხელს უწვდის. წამალი ვინმეს უნდა და, ზაქროს უნდა სთხოვოს, უყიდოს აფთიაქში და მოუტანოს. ფქვილი გაუთავდება ვინმეს და ისევ ზაქროს მიმართავს. დაუზარელია, გულელია, უანგარო... ოჯახიც სამაგალითო აქვს. მეუღლე დიანა საბიშვილი ჩვენს სკოლაში დაწყებით კლასებში ასწავლის და მოსწავლეების და მშობელთა საყვარელი მასწავლებელია. ორი თვალხატულა გოგონა ჰყავთ – მარი და მედეა... მარი წარჩინებული მოსწავლეა, მედეა ჯერ პატარაა, ცელქი, მოუსვენარი...“

კარგი, მტკიცე და ძლიერი ოჯახი სოფლის სახეა. ყველას უხარია მათთან შეხვედრა, მათი სიკეთე გადამდებია და თვალსაჩინო...“

## ოსტატი ნაპოვნიდან, როგორც დავნილ ბავშვებს ხეზე კვეთას ასწავლის



ინტერნეტპორტალზე [Internewsgeorgias.com](http://Internewsgeorgias.com) დაიბეჭდა სტატია ახალგორელი ზაზა გათენაშვილის შესახებ, რომელმაც მამის დანებებული საქმე გააგრძელა და ჩვენს ბავშვებს ხეზე კვეთას ასწავლის.

ხესთან ურთიერთობა ბავშვობიდან დაიწყო... ახალგორში ცხოვრობდნენ, მამაც ცნობილი ოსტატი ყოფილა და ზაზა მის კვალს გაჰყვა. ახალგორის ოკუპაციის შემდეგ, როგორც სხვა ათასობით დევნილი, ისიც წეროვანში დასახლდა.

ზაზა გათენაშვილმა საოჯახო ტრადიციის გაგრძელება გადანაცვალა და დევნილთა დასახლებაში ხის საამქრო გახსნა. აქ ის დევნილ ბავშვებს ხეზე კვეთას უსასყიდლოდ ასწავლის.

„2009 წელს თბილისიდან აქ წამოვედი და ძალიან დიდი სურვილი მქონდა, რომ გამეგრძელებინა ტრადი-

ცია და აქ დამეარსებინა ის, რაც ახალგორიდან მოყვებოდა მამაჩემს. აქ ყველა ბავშვი დევნილია, აბსოლუტურად, ვინც ახლა დადის, ან ვინც გაიარა“, — ამბობს ზაზა გათენაშვილი.

2009 წლიდან დღემდე ოსტატმა 100-ზე მეტ დევნილ ბავშვს შეასწავლა ხელობა. ზოგიერთი მათგანი საქმეს განსაკუთრებით კარგად დაეუფლა და შემოსავლის წყაროდ აქცია. პანდემიის გამო სახელოსნო ორი წელი გაჩერებული იყო. ზაზა საქმიანობას ცოტა ხნის წინ დაუბრუნდა და გაკვეთილებიც განახლდა.

„ძალიან ბევრ რამეზე დავდიოდი წეროვანში, რა წრეც იხსენებოდა, ყველაფერში მინდოდა ბედის მეცადა. ვფიქრობ, ჩემი თავი სწორედ ამ სახელოსნოში ვიპოვე, ხეზე მუშაობაში. ვილატების აზრი იყო, რომ ეს არ არის გოგოს საქმიანობა, ამას ბიჭები უნდა აკეთებდნენ, მე ყოველთვის მიყვარდა ამ სტერეოტიპის დამსხვრევა, რომ რაღაცები არ შეუძლიათ გოგოებს. მე ვფიქრობ, რომ გოგოებს ყველაფერი შეგვიძლია“, — ამბობს მარიამ მელთაური.

გოგოებს რომ ყველაფერი შეუძლიათ, ეს მარიამ მელითაურმა იმითაც დაამტკიცა, რომ 2018 წელს საუკეთესო შეგირდის ჯილდო და ფულადი პრიზიც დაიმსახურა. თანხას მოსწავლეები გამოფენებზე გაყიდული ნივთებითაც გამოიმუშავებენ.

„ზაზა მასწავლებელს არასდროს ავინწყებოდა, რომელი ყუთი, რომელი ბავშვის ნამუშევარი იყო და ყოველთვის გაყიდული თანხის რაღაც წილს გვიხდიდა. ბავშვობაში ჯიბის ფული იყო ეს ჩვენთვის და ძალიან დიდი სიხარული და მოტივაცია, რომ კიდევ და კიდევ შეგვექმნა ასეთი ნიმუშები“, — ამბობს მარიამ მელთაური.

„ზაზა მასწავლებლის სახელოსნოთი მაშინ დავინტერესდი, როდესაც 12 წლის ვიყავი. მოსვლა იმიტომ გადავწყვიტე, რომ ჩემმა მეგობრებმა მითხრეს, შეგვე-

დასასრული 88-12 გვერდი

## „ოფთალმიჯია“ უფასო გამოკვლევები ჩაატარა



25 იანვარს ახალგორის მუნიციპალიტეტის გამგეობის ხელშეწყობით, თვალის მიკროქირურგიული ჯავრიშვილის კლინიკა „ოფთალმიჯის“ ექიმებმა წეროვანის დევნილ მოსახლეობას უფასო გამოკვლევები ჩაუტარეს.

აქციის მიზანი კატარაქტით დაავადებული პაციენტების გამოვლენა და შემდგომ, საყოველთაო დაზღვევის ფარგლებში, უახლესი ფაკოემულსიფიკაციის (უნაკერო) მეთოდით მათი ქირურგიული მკურნალობაა.

აქციის ფარგლებში გამოკვლევები ჩაუტარდა 30-ზე მეტ პაციენტს. გავესაუბრეთ რამდენიმე მათგანს. თამაზ საბანაძემ გვითხრა: — საყოველთაოდ არის ცნობილი, რომ თვალისჩინი ყველაზე აუცილებელი და ფაქიზი გასაფრთხილებელია... მაგრამ ადამიანი ასაკში რომ შედის, მაინც იჩენს სხვადასხვა დაავადება თავს... მე მადლიერი ვარ ჩვენი მუნიციპალიტეტის, ეს აქცია რომ წლების მანძილზე ტარდება. ადგილზე მოდიან „ოფთალმიჯის“ მართლა არაჩვეულებრივი სპეციალისტები, კონსულტაციაც და გამოკვლევებიც ადგილზე გვითარდება, თანაც, მაღალ პროფესიონალურ დონეზე.

აქვე, ადგილზე, ძალიან ბევრ პაციენტს ჩაუტარდა მიკროოპერაცია კატარაქტზე. ეს არის უნაკერო ლაზერის სხივებით ჩატარებული ქირურგიული მკურნალობა, რაც აღადგენს დაქვეითებულ მხედველობას. ეს ყველაფერი მიმდინარეობს უსასყიდლოდ, რაც დღევანდელ დროში ნამდვილად ძალიან მნიშვნელოვანია, განსაკუთრებით, პენსიონერებისათვის



მაღლობა ჰიპოკრატს უიხის პიტიულებს

ადამიანისთვის რომ მთავარი და უმნიშვნელოვანესი ჯანმრთელობაა, ზოგჯერ ვერ ვხვდებით, სანამ არასასიამოვნო ფაქტის წინაშე არ აღმოვჩნდებით ხოლმე. დიდხანს ვერ მოვახერხებ ექიმთან მისვლა, მეგონა, რომ ის უბრალო ჩივილები, რაც მქონდა, გამივილიდა, მაგრამ როცა მივედი და საკმაოდ რთული დიაგნოზი დამისვეს, თითქოს შიშმა ამიტანა, მომავლის რწმენაც დავეკარგე და გაურკვეველ მდგომარეობაში არმოვჩნდი. ამ დროს ჩემ გვერდით იყვნენ ადამიანები, რომელთა დახმარებითაც ყველაფერი გადავლახე. ჩვენი პოლიკლინიკის ექიმებმა ხათუნა მიდელაშვილმა და ნინო პაპუნაშვილმა დიდი სითბო, ყურადღება და პროფესიონალიზმი გამოიჩინეს...

ჩვენი პოლიკლინიკა შემთხვევით არ ვახსენებ, – მართლაც ჩვენები, ახლობლები და ძალიან საყვარელი ექიმები გვყავს, რაშიც მაშინ დავრწმუნდი კიდევ ერთხელ, როცა ყველანაირად დამაკვალიანეს, გამამხნევეს, გვერდით დამიდგნენ, რის შემდეგაც ონკოლოგიურ საავადმყოფოში მომიწია საკმაოდ რთული ოპერაციის გაკეთება... ახლა ვხვდები, რომ დრო ძლიან ძვირფასი იყო ჩემთვის და დავგი-

ანება ძალზე ცუდად დასრულდებოდა.

საავადმყოფოში წასვლისას ჩემმა ოჯახმა მიაკითხა ახალგორის მუნიციპალიტეტის, საიდანაც დაუყოვნებლივ მივიღე დახმარება დაფინანსებაში... თბილისის ონკოლოგიური ცენტრის თანამშრომლებს ედიშერ სიხარულიძეს, ედუარდ ზაქარეიშვილს, მიშა დიღმელაშვილსაც ვუხვდი მაღლობას, რომელთაც ოპერაცია გამიკეთეს. განსაკუთრებული მაღლობა ექიმს გია ჩხეიძეს, რომელიც ჩვენი პოლიკლინიკის ოფთალმოლოგის ქეთინო რუსიშვილის მეუღლეა და ძალიან დიდი გულისხმიერება გამოიჩინა ჩემ მიმართ.

დღეს მე ოჯახს დავუბრუნდი, ჩემს შვილებს, ახლობლებს, რომლებმაც ჩემთან ერთად ინერვიულეს... რომ არა კეთილი ადამიანები, სიცოცხლეს ვერ შევინარჩუნებდი. მაღლობის თქმა მეცოტავება თითქოს, მათ დიდ მაღლთან, დახმარებისა და თანადგომისათვის.

ამ სტრიქონების წერისას გამახსენდა მოარული წინადადება: ღმერთი ყველაფერს ხედავს... ყოველთვის ვილოცებ მათთვის, მაღლიერება ხომ ყველაზე დიდი სათნოებაა სიკეთის კეთების დროს...

გულო ელოშვილი  
წეროვნის დენილთა დასახლება

ს ა ლ ლ ო ბ ო

გლობალიზაციის ეპოქამ და სოციალურმა ქსელმა ადამიანთა მოდელის კომუნიკაბელურობის შემცირების ხარჯზე გაზარდა ინფორმაციაზე წვდომა. თითოეული მომხმარებელი უამრავ საინტერესო მასალას აქვეყნებს... დადიანელი ლამარა ბერიანიძე წერს:

„ჩემო დადიანლებო, ნიგნში სათუთად შენახული ლექსი ვიპოვე. დათაანთ გაიოზის დაწერილი. გაულექსია ჩემი მიშა ძია, როცა ვირი დაეკარგა! ნახეთ, რამდენი ხალხი ჰყავს ნახსენები: ფოცხვერიანთ ვაჟა, ოდიანთ ილო, პატატიანთ ვალიკო, ივანიანთ ვიტორა, ჯავახიანთ გრიშა, ხუციშვილი (ვერ გავიხსენებ ვინ არის...), მაჩხა, ბრეჟნევი და კოსიგინიცი კი...

მიშას ვირი დაეკარგა

მიშამ ვირი დაეკარგა ნალალები ქატოზე, რახან აჯილაობდა, არ აბამდა პალოზე. გაშვებული დაჰყავდა ყორულში და ნაკრძალში, ზღაპრული რამიანო, ხმა დადიოდა ხალხში. როცა კეხს დაადგამდა ვირი ყალყზე დგებოდა, დეზს ჰკრავდა და ცეცხლივით ცაში ავარდებოდა. საზაფხულო მთებისკენ რომ დავძარით ფარები, ვილაც ბოროტმა სულმა აუხვია თვალები. სოფელ გვარდეცაში ჭაკის სუნი აიღო, თვალწინ ისე გაუქრა ვერაფერი გაიგო. დაჯდა, ბევრი იფიქრა, მუშტი იცა კეფაში, ჩემს ვირს მაინც ვიპოვნი, განვაცხადებ პრესაში. ვაჟას გადააბრალა, შენ ჯდებოდი ხშირად, ნეტა რად მოგნათლევი ჩემი თავისჭირადა. ბუსნა, შენს განათვლაში ფული გადავიხადე, შენ კი პატივისცემა ასე გადამიხადე? თუ იმ ვირს არ მომიყვან, გავბრაზდები დილაზე გამოვთვრები არაყით, ჩემი მტრების ჯინაზე. ერთი ამას უყურეთ, გამხადა ქურდი კინტო, მიშავ შენ თუ დათვრები, ძირში არ მომაკვნიტო. შერცხვა შენი მირონი, უსინდისო გრძნეულო, დამეკარგე აქედან, ჩემის გადანგრეულო. მიშავ მე ნუ მამბრალე, ცილს ნუ მნამებ მაგაში, თორემ ორსაც მოგადებ, მაგ გოთვერან ბაშკაში.

ნოკაუტს გაგიკეთებ, ვიხმარ ბოქსის ილეთსა, მარილივით ჩაგიფშვნი მაგ მძივივით კბილებსა. მაგას ვის ეუბნები ჩემის თვრამეტიანო, ნათლიის მოლაღატევი, კრეტინო, რეტინანო. „ჟიგულევსკი“ გამიხსენით, ჩამომისხით ასი გრამი, მინდა რომ გულით ვიტვირო, ჩემი კობტა სახედარი. ვინ იცის ახლა სად არის, აბავენ რომელ ურემში, ვინ იცის რომელი ქისტი, ლაგამს უსწორებს ტუჩებში. ჩემ ვირის ფულით ვაჟამა, ჯიბე რომ გაისქელაო, მე რით მივიდე ბალებთან, ვით ვუთხრა ჭენა-ჭენაო. ოხ გამიშვით მე ამისი, ესა და ის ვატირე, კაცის სისხლი მომწყურდა, მაგის დედა ვატირე. საყელო დაუჭირა, და მოქაჩა ნათლია, ახლა გაგაგებინებ, თუ როგორი ბალლი ვარ. ვაჟა შეკრა ნიკლიამ და მიაბა ბრიჩკაზე, ხომ გითხარი ძმობილო, ნუ დადიხარ სხვის ჭკვაზე. მტერს მოხვდა შენი მუშტი, ეგ შენთან რას გახდება, ეგ რომ მოკლა ქართველებს ენა დაგვეკარგება. მაინია ვაჟამა, ბრიჩკა სულ მთლად დალენა, მარტო მისი ხმის ექო, კავკასიონს აღწევდა. როგორც იქნა დაწყნარდა, დაგვიამდა ნერვები, ახლა მიშა აყვირდა, სულ დავგიფრთხო ცხენები. ვაჟას დაჭერა მიშველეთ, რომ ხანი აღარ ვაცალო, ჩემი წასმული მირონი, სულ შეკურკით გადავაცალო. ოდიანთ ილო იძახდა, ზაპას ვირადა ვთვლიდიო, დაგება შე კაი კაცო, პალოს მე გაგითლიდიო. ვალიკო ეუბნებოდა, მომყიდე ბალისთვინაო, ციგამი ხოლმე შეაბას შეშა ზიდოს ვახშმისთვინაო. ვიტორამა თქვა ამ ზამთარს, ბაკრისი დავატორინე, შენი ბრალია მიხეილ, რატომ არ დამაკოდინე. თვითონ გრიშა დარდისაგან დადამბლავდა, აღარ ვარგა, მაგისთანა კარგი ვირი, ზოდესლებსაც არა ჰყავდა. ხუციშვილი გულდამწვარი, ასე შესჩივის პასკასა, რაც მიშამ ვირი დაეკარგა, გემოს ვერ ვატან არაყსა. მაჩხამ თქვა: ძველი მწყემსი ვარ, რალა აღარა ხდებო, ეგეთი დიდი ზარალი, 100 წელში ერთხელ ხდებო. მოსკოვიდან ინერება ბრეჟნევი და კოსიგინი, საქართველოს ცეკავ, ტეკავ, იპოვევით მიშას ვირი. თვითონ მიშა დაიჭირეთ, ნულარ დაავიანებთ, ყელზე დიდი ქვა მოაბით, თერგში გადისრიალეთ.

# „უკვლავ სიმღერით ქსანზე დარჩები!..“ ალექსანდრე (ალიკა) ჯავახიშვილი



20 წელზე მეტია, ანსამბლი „ლომისი“ ატკობს, ალხენს და აზიარებს უნიკალურ ქართულ ხალხურ და ფოლკლორულ პოლიფონიას მსმენელსა და მაყურებელს. ანსამბლი, რომელიც დააფუძნა ნუგზარ ფსუტურმა და რამდენიმე წელია მას ნიჭიერი მუსიკოსი და შემოქმედი შალვა ილურიძე ხემძღვანელობს, ახალგორელებისათვის სავიზიტო ბარათად იქცა.

რაოდენ სამწუხაროა, რომ „ლომისელ“ ალექსანდრე ჯავახიშვილს, ნიჭიერ მუსიკოსსა და თავის საქმეზე შეყვარებულ კაცს ვემშვიდობებით სამუდამოდ... ის არ იყო ახალგორელი, მაგრამ ჭირსა და ლხინში ახალგორელებთან იყო. მათ გვერდით ემზადებოდა თითოეული კონცერტისათვის და ახალი სიმღერის მომზადების დროს მათთან ერთად ხარობდა. მშვიდობით! ლომისის მაღლით, ისევ (მაგრამ უშენოდ) იგუგუნებს „ლომისი“ და ეს იქნება თქვენი სიმღერის, თქვენი სახელის უკვდავების ჰანგი... „ლომისის“ წევრობით გაგიცნოთ სრულიად საქართველომ, როგორც ქსნის ხეობელი ხელოვანი...

მშვიდობით... თქვენს ხმას, უკვე უკვდავებად ქცეულს, არასოდეს დაივიწყებენ თქვენი და ქართული უნიკალური ფოლკლორის მოყვარულნი.

მეგობრები

ძალიან შემოგვეჩვია სიკვდილი ამ ბოლო წლებში, უამრავი ადამიანი წაგვართვა. ერთია ნათქვამი, – ყველანი სიკვდილის შვილები ვართო და მეორეა, როდესაც ცამონმენდილზე მეხის გავარდნასავით გაიგებ, რომ გარდაიცვალა ახალგაზრდა, ჯანმრთელი ადამიანი. ასე მოულოდნელი იყო ყველასათვის ალექსანდრე (ალიკა) ჯავახიშვილის გარდაცვალების ამბავი...

ალიკა სოფელ ოძისის მკვიდრი იყო. იგი 1966 წელს დაიბადა კარგ ქართულ ოჯახში. ჯერ კიდევ 6 წლის ყოფილა, როდესაც მამამისს პატარა გარმონი მიუტანია მისთვის, დაკვრა თავადვე უსწავლია. მისი მუსიკალური მონაცემები კარგად შეაფასა ახალგორის ფოლკლორული ანსამბლის „ლომისის“ ხელმძღვანელმა სულგანათლებულმა ნუგზარ ფსუტურმა და 1987 წელს თავის ანსამბლში მიიღო.

ამის შემდეგ დაიწყო მისი უფრო მეტად დაახლოება ქსნისხეობელებთან და ანსამბლ „ლომისის“ მიერ მოპოვებული უამრავი წარმატების მონაწილე და თანაზიარი გახდა ალიკა.

სამი წლის წინ ერეკლე საღლიანმა საქართველოს ჩოხოსანთა საზოგადოების წევრად მიიღო, გასულ წელს კი ქსნის ხეობის ჩოხოსანთა საზოგადოებას შეუერთდა ანსამბლ „ლომისის“ წევრებთან ერთად.


და აი, ახლა სიკვდილმა წაგვართვა მისი თავი, გლოვობს ოჯახი, სოფელი, ქსნის ხეობა... გლოვობს ანსამბლი „ლომისი“...

ადვილი არ არის კაცური კაცის სახელის მოპოვება... საზოგადოებაში წესიერი, პატიოსანი, უწყინარი კაცის სახელის დამკვიდრება.

ალიკამ ეს შეძლო...

მისი დაკრძალვის დღეს ყვავილებით მოიფინება გზა ოძისიდან სოფლის სასაფლაომდე... უკანასკნელ გზაზე გააცილებენ ამ კაცურ კაცს, იქნება წუხილი... ბევრი, ბევრი გულწრფელი ცრემლი...

მინდა, ქსნის ხეობელთა სახელით სამძიმარი ვუთხრა გარდაცვლილის ოჯახს, ოძელებს, ჩვენს ხეობას, ანსამბლ „ლომისის“ ბიჭებს, რომლებმაც დაკარგეს ერთგული მეგობარი, საუკეთესო მუსიკოსი, კარგი ადამიანი...



დაე, ამქვეყნად სამარადისო ხსოვნა იყოს ალექსანდრე ჯავახიშვილის სახელის...

დაე, მის სულს უფალმა დაუმკვიდროს ნათელი სასუფეველი იქ, სადაც განისვენებენ მართალნი.

ნინო დოლიშვილი  
ჰედაგოგი

ანსამბლ „ლომისის“ წევრები: შალვა ილურიძე, ანზორ ზანგურაშვილი, ვალერიან გათენაშვილი, იმედა ილურიძე, ალექსანდრე ჯარმელიშვილი, გურია გათენაშვილი მწუხარებით იუნყებიან ანსამბლის წევრის

**ალიკა ჯავახიშვილის**  
გარდაცვალებას და სამძიმარს უცხადებენ მის ოჯახს.

ალიკა (ალექსანდრე)  
ჯავახიშვილის ხსოვნას

რა სიყვარულით გვედექი გვერდში, დღეს კი რა სიმწრით

გისხენებთ, ძმაო!

მეხად გასკვი და ჩამოიღვარე, ცრემლად დაგვანამე, პირქუშო ცაო! ნათლილების დღე, იანვრის სუსხი, რად დაგვიტოვე

ხსოვნის დღედ, ღმერთო!

ალიკ, ძვირფასო, ლამაზი სულით ხსოვნად დაგვრჩები

შენ ერთადერთო.

ანსამბლ „ქსანიდან“ დღეს, „ლომისამდე“

მაგ გულმა ტკბილი ჰანგით გატარა,

ნასყიდა მიდელაშვილი

კიდევ ერთი კარგი, ამაგ-დარი კაცი, ქსნის ხეობის დიდი მოყვარული და ჭირისუფალი, ოთხი შვილის მამა ნასყიდა მიდელაშვილი გამოაკლდა ქსნისხეობელთა რიგებს.



ნასყიდა მიდელაშვილი გამოირჩეოდა დავალებული საქმისა და სამსახურის ერთგულებით, მოყვასის სიყვარულით. იყო უაღრესად კეთილი, სტუმართმოყვარე, მშრომელი, იუმორით სავსე. მოხუცებულობის ჟამს, როცა პენსიაზე იყო, დაეუფლა მეფუტკრეობას და ღრმა სიბერემდე თავს ევლებოდა ამ დარგს.

თავისი ხანგრძლივი მუშაობის პერიოდში მიღებული აქვს მრავალი მადლობა და სიგელი ხელმძღვანელი ორგანოებიდან.

ოკუპაციის შემდეგაც ვერ მიატოვა მშობლიური სოფელი მიდელაანი და მეუღლესთან ერთად იქ ცხოვრობდა. იქვე აღესრულა...

შვილები ჯემალი, გივი, ციალა, ნათელა, შვილიშვილები, ახლო ნათესავები ღრმა მწუხარებას გამოთქვამენ ნასყიდა მიდელაშვილის გარდაცვალების გამო. სანთელი და ნათელი არ მოაკლდება მის სულს.

შვილები

გვეგონა, ერთად შევბერდებოდით, მაგრამ ძმობის გზა გახდა პატარა. „ლომისის“ ბიჭებს ზურგი გვაქცივე, წყვილადში გასჭერ, გაიმარტოვე, მელოდიური ხმა წაიღე და სცენაზე სული ობლად დასტოვე... შენ ქსნის ხეობა არ დაგივიწყებს, ხელოვნებაში სიტყვა

გაქვს თქმული, ხვალ ისტორია დაინერება შენი მოსვლის და დღეს

წასვლის, ძმური... ნათელში იყავ! გემშვიდობებით, ძმობის იარა გულზე გვაჩნდება, ნემშით მიდიხარ, მაგრამ სული კი, უკვდავ სიმღერით

ქსანზე დარჩება...

შალვა ილურიძე ანსამბლ „ლომისის“ ხელმძღვანელი

გიორგი მილაძე

კიდევ ერთხელ დაითალბა ახალგორი ახალგაზრდა კაცის – გიორგი მილაძის გარდაცვალების გამო... 30 წელი... ძალიან ცოტა იცხოვრა ამ ქვეყნად ღიმილიანმა, კეთილმა ბიჭმა, რომელმაც სულ პატარამ გამოსცდა ობლის მძიმე ხვედრი, როცა გარდაეცვალა დედა მარინე ბასილიძე და მამა გოჩა მილაძე. ორი ძმა – ლევანი და გიორგი დედის, მამიდის და ბიძის მეთვალყურეობითა და ზრუნვით იზრდებოდნენ. არც გაბოროტებულან, არც ცუდი რამ ჩაუდიათ გულში, ცხოვობდნენ იმ ბედის განაჩენით, რაც ღმერთმა არგუნათ...

ლევანი დაოჯახდა... მისი შვილები ყოველთვის გაიხსენებენ ღიმილიან ძიას, რომელიც მძიმე სენთან ბრძოლაში დამარცხდა... არა და არ გამოცხვა ობლის კვერი...

ახლადმოყვანილი მეუღლის და ახალგორელების ზღვა ცრემლი გაუნათებს გზას მარადიული სამყოფელისაკენ.

გიორგი მილაძის ბიძაშვილი თამუნა თავის პოსტზე ტკივილიან სტრიქონებს აქვეყნებს:



„თქვენც ჩვენსავით პატარებმა დაკარგეთ მამა და ჩვენსავით ობლებს გეძახდნენ. მილაძეების ობლები ვიყავით. ამ პატარა რაიონისთვის და ჩვენი გვარისთვის ეს 4 მცირეწლოვანი ობოლი მილაძე მეტისმეტი იყო.

რალაცნაირად ძალიან ახლოს და გულში იყავით მთელს ჩვენს ოჯახში.

მიხაროდით, მიყვარდით და ვამაყობდი თქვენით.

ძალიან დამწყვიტე გული, გიორგი ვერც ვიაზრებ ჯერ ბოლომდე შენს ამბავს.

მართლაც რომ „წუთია წუთისოფელი“.

ახალგორის მუნიციპალიტეტის გამგეობა და ახალგორის მუნიციპალიტეტის საკრებულო მწუხარებით იუწყება ანსამბლ „ლომისის“ წევრის

ალექსანდრე ჯავახიშვილის

გარდაცვალებას და სამძიმარს უცხადებს განსვენებულის ოჯახს

ახალგორის მუნიციპალიტეტის გამგეობა და ახალგორის მუნიციპალიტეტის საკრებულო მწუხარებით იუწყება

გიორგი მილაძის

გარდაცვალებას და სამძიმარს უცხადებს განსვენებულის ოჯახს

ახალგორის მუნიციპალიტეტის გამგეობა და ახალგორის მუნიციპალიტეტის საკრებულო იუწყება

ნასყიდა მიდელაშვილის

გარდაცვალებას და სამძიმარს უცხადებს განსვენებულის ოჯახს.

იკოთის საშუალო სკოლის 1986 წლის კურსდამთავრებულები მწუხარებით იუწყებიან თანაკლასელის

მამუკა ჯანგირაშვილის

გარდაცვალებას და სამძიმარს უცხადებენ განსვენებულის ოჯახს.

### მარიამ მაჭარაშვილი „საშობაო მინიატურების“ კონკურსის გამარჯვებული

გამომცემლობა „არტანუჯის“ მიერ გამოცხადებულ კონკურსში „საშობაო მინიატურები“ საქართველოს სკოლების V-X კლასების 300-მეტი მოსწავლე მონაწილეობდა. კონკურსის ფინალურ ეტაპზე 25 მოსწავლე გადავიდა, ხოლო V-VI კლასის მოსწავლეთა შორის პირველი ადგილი დაიკავა ნეროვნის მესამე საჯარო სკოლის მეექვსე კლასის მოსწავლემ მარიამ მაჭარაშვილმა. მისი მინიატურა ინტერესმოკლებული არ იქნება ჩვენი მკითხველებისათვისაც, რამეთუ თითოეული ჩვენგანის ნატვრაა მარიამის „შობის სიზმარში“

მარიამ მაჭარაშვილი – „შობის სიზმარი“

„ახალგორში მარიამ ღვთისმშობლის ტაძართან ახლოს ვცხოვრობ. მეორე სართულის მისაღებ ოთახში უზარმაზარი ნაძვის ხე დგას. ზედ უამრავი სათამაშო ჰქვია, თავზე ოქროსფერი ვარსკვლავი ადგას. ისეთი მაღალია, თითის წვერებზე რომ აინიოს, ჭერს მისწვდება. თავი ამაყად და თავმომწონედ უჭირავს, თითქოს გვეცახის, შემომხედეთ რა მშვენიერი ვარო. ისიც კარგ განყოფაზეა, ჩვენსავით. შობის ღამეა, ამ დროს ხომ ყველა ბედნიერია.

ოთახში დიდი ფუსფუსი და აურზაურია. დედა და ბებია სუფრას შლიან, მამა და ბაბუა ეზოში არიან ჩასულები თბილისიდან მოსული სტუმრების დასახვედრად, ჩემი ძმა ნაძვის ხესთან ზის და თოვლის ბაბუის მოტანილ სათამაშო მატარებელს აწყობს, მე ფოიერვერკებს ვამზადებ. შობის ღამეა, მალე ცა ფოიერვერკით მოირთვება ჰაერში უკვე ტრიალებს დენტის მძიმე სუნი.



შორიდან მესმის ფოიერვერკის ხმა, თითქოს თანდათან ახლოვდება, ბუნდოვნად ჩამესმის დედაჩემის ხმა: მარიამ, მარიამ! თვალებს ვახელ... გაქრნენ სტუმრებიც, ბებია და ბაბუაც, ახალგორის სახლიც, დავრჩით მე, მამა დედა და ჩემი ძმა. დედა მიღიმის, – ჩაგძინებია, ძილისგუდა, წამოდი გარეთ, ფოიერვერკის დროა. გამაღვიძა და გავიდა. მაგრად დავხუჭე თვალები, იქნებ დავბრუნდე ისევ სიზმარში. ცოტა ხანში ჩემი ძმა შემორბის: – მარიამ, თოვლის ბაბუ ყოფილა, ნახე საჩუქრები!

ავდექი, პლედი მოვიხვიე, გარეთ გავედი, ჰაერში მართლაც ფოიერვერკის სუნი ტრიალებდა, ცაცულამაზესი იყო, ოღონდ ეს

ნეროვნის ცაა.

– თორმეტი საათია, – ამბობს დედა, – შობას გილოცავთ! სურვილები ჩაიფიქრეთ!

ღრმად ჩავისუნთქე, თვალები დავხუჭე, დღეს ხომ შობაა, ოცნებების ახდენის დღე და მეც ჩავიფიქრე: „ნეტავ ამიხდეს ჩემი შობის სიზმარი.“

### ოსტატი ნეროვნიდან, როგორც დავნილ ბავშვებს ხეზე კვამის ასწავლის

მე-6 გვერდიდან

ძლო ხელობის შესწავლა და ამ ხელობით ჯიბის ფულის შოვნა. მთავარ პროფესიასთან შეთავსებით მინდა გავაგრძელო ეს საქმე, არ მინდა რომ დავივიწყო და მინდა, რომ მთელი ცხოვრება გავიყოლო და გამოვიყენო ამ პროფესიაში მიღებული ცოდნა და გამოცდილება“, — ამბობს გურამ მღებრიშვილი.

მიუხედავად იმისა, რომ ზაზა გათენაშვილი წლებია ნეროვანში ცხოვრობს და საყვარელი საქმიანობა დაკავებული, აქაურობას სახლს მაინც არ უწოდებს. მისი სახლი ახალგორშია და იქ უკვე ორ წელზე მეტია არ ყოფილა. მამა და დედა ახალგორში დარჩნენ და ზაზას მათთან ურთიერთობა მხოლოდ ტელეფონით შეუძლია.

მაგრამ ზაზას ერთი ადგილი აქვს შეგულებული, სადაც მაშინ მიდის, როცა მშობლიური სახლი განსაკუთრებით ენატრება. ეს ადგილი, მის მიერვე შექმნილი სახელდახელო მუზეუმი, რომელსაც ხუმრობით „პატარა ახალგორი“ შეარქვა. მუზეუმში გამოფენილი თითქმის ყველა ნივთი იქედან აქვს ჩამოტანილი.



„ჩემი მუზეუმის შექმნის იდეა იყო ახალგორის სულის დაბრუნება აქ, რომ ყველამ, თითოეულმა ახალგორელმა, აქ მცხოვრებმა თუ სხვაგან მცხოვრებმა არ დაკარგოს თავისი ახალგორელობა, რომ მოვიდნენ, გაიხსენონ, შეხედონ, გაახსენდეთ იქაურობა. ბევრი ისეთი სიტუაციაც ხდება... მასწავლებლებს მოჰყავთ ბავშვები, რომლებსაც ბუნდოვნად ახსოვთ ახალგორი და მე ვუხსნი თითოეული ნივთი რას ნიშნავს, საიდან არის“, — ამბობს ზაზა გათენაშვილი.